



Broj: 02-02-2-1125-3/16
Sarajevo, 15.08.2016.

N/r: direktora

PREDMET: Poziv bh. kompanijama za učešće na Međunarodnom sajmu organskih proizvoda BIOFACH 2017, Nirnberg – Njemačka; 15-18.02.2017.

Poštovani,

Vanjskotrgovinska komora Bosne i Hercegovine organizira kolektivno izlaganje bh. kompanija na Međunarodnom sajmu organskih proizvoda - BIOFACH 2017. Sajam će se održati u Nirnbergu (Njemačka), u periodu od 15-18. 02. 2017. godine.

U svrhu nastupa na sajmu BIOFACH 2017, VTK BIH namjerava zakupiti prostor od 60 m2 na kojem bi izlagalo 5-6 bosanskohercegovačkih kompanija. U slučaju većeg broja zainteresiranih za izlaganje na sajmu, izvršit ćemo selekciju kandidata shodno dolje navedenim kriterijima:

- Kompanija je proizvođač neke od sljedećih kategorija proizvoda: ljekovito i aromatično bilje, šumski plodovi, eterična ulja i drugi organski proizvodi;
- Kompanija ima iskustvo u izvoznim poslovima i upošljava barem jednu osobu koja aktivno komunicira na engleskom jeziku;
- Kompanija je strateški opredijeljena za izvoz na tržište EU i ima adekvatan kvalitet proizvoda;
- Obaveza je da kompanija posjeduje organski certifikat i da planira/radi na dobivanju certifikata do početka nastupa na sajmu (uslov sajamskog organizatora u Njemačkoj);
- Prednost imaju kompanije sa većinskim domaćim kapitalom;
- Kompanija trenutno nema značajne dugoročne poslovne aranžmane i kontinuirane isporuke na tržištu EU ili je u potrazi za novim kupcima;
- Kompanija je spremna participirati u troškovima vlastitog učešća;
- Kompanija je izmirila svoje finansijske obaveze prema VTK BIH, a koje su nastale po osnovu učešća u prethodnim promotivnim aktivnostima (sajmovi, delegacije i sl.promotivni događaji).

S obzirom na iznimno visoku cijenu zakupa prostora, VTK BIH će snositi 50% troškova zakupa neopremljenog prostora, paušal za instalaciju el.priključka na štandu, kao i trošak potrošnje električne energije, „ Media package“ za VTK BIH, paušal za AUMA-a troškove, troškove dizajniranja, izgradnje i opremanja BH štanda sa transportom, montažom i demontažom štanda.

BH kompanije snosile bi 50 % troškova zakupa neopremljenog prostora za štand BH privrede, te troškove „Media package“ po BH kompaniji-izlagaču na kolektivnom štandu BH privrede u Nirnbergu. Također, BH kompanije izlagači snose i troškove nabavke dodatnih ulaznica za svoje predstavnike i/ili posjetioce na štandu BH privrede.

Navedena participacija kompanija - izlagača u troškovima iznosila bi kako slijedi:

1. Zakup prostora po BH firmi-suilagaču na BH štandu: **117,2 € / m2 + PDV (17%)**;
2. Kotizacija (media katalog sajma): **565,3 € + PDV (17%) – fiksni iznos**;
3. Dodatne ulaznice za predstavnike izlagača: **90 € / ulaznici**;
4. Dodatne ulaznice za posjetioce: **40 € / ulaznici**.

Izagači će na raspolaganju imati 10 m2 izložbenog prostora po kompaniji, dok bi dodatnih 10 m2 koristili organizatori i posjetioci sajma.

Gore navedene iznose, izlagači na sajmu dužni su platiti najkasnije **do 02.septembra 2016**. U slučaju ne izmirivanja obaveza po fakturama, mjesto izlagača zauzet će slijedeća kompanija po broju bodova sa liste selektiranih BH kompanija.

Ostale troškove, kao što su transport i špedicija eksponata, te smještaj predstavnika kompanija u hotelu, snose bh.kompanije koje samostalno organiziraju smještaj i putovanje. Zbog potrebe uređenja i rasporemanja kolektivnog BH štanda, boravak u Nirnbргу je predviđen za **period od 14 – 19.02.2017. (5 noćenja)**.

Ukoliko ste zainteresirani da učestvujete u BH delegaciji koja će izlagati na sajmu, **molimo Vas da nam dostavite popunjen formular prijave za učešće (u prilogu)**.

Rok za prijavu učešća je četvrtak, 25.08.2016. Svoje prijave možete dostaviti na broj faksa **033 214 292** ili na e-mail adresu: **eldina.begovic@komorabih.ba**.

Očekujući da ćete pronaći svoj interes da učestvujete na sajmu BIOFACH 2017, ostajemo

S poštovanjem



Enes Ališković, direktor BHEPA

Prilog: 1. Prijavni formular za učešće na sajmu BIOFACH 2017